

BOSNA I HERCEGOVINA
FEDERACIJA BOSNE I HERCEGOVINE
UNSKO - SANSKI KANTON
OPĆINA CAZIN

SLUŽBENE NOVINE
OPĆINE CAZIN

GODINA XIII

BROJ 1

16.02.2010.
CAZIN

OPĆINSKI NAČELNIK

2114. Na osnovu člana 29. tačke 5., a u vezi člana 106. i 116.. Zakona o zaštiti i spašavanju ljudi i materijalnih dobara od prirodnih i drugih nesreća («Sl. novine F BiH», broj: 39/03), i na osnovu člana 139., a u vezi sa članom 18. tačka 13. Statuta Općine Cazin («Sl. glasnik općine Cazin», broj:2/02), Općinski Načelnik d o n o s i,

U R E D B U**o osnivanju Općinskog štaba CZ****I - OSNOVNA ODREDBA****Član 1.**

Ovom Uredbom osniva se Općinski štab civilne zaštite, (u daljem tekstu Općinski štab) kao stručno-operativno tijelo Općine za zaštitu i spašavanje ljudi i materijalnih dobara od prirodnih i drugih nesreća, uređuje njegov djelokrug, unutarnja organizacija, popuna, finansiranje, opremanje, obučavanje i osposobljavanje i druga pitanja od značaja za organizaciju i rad Općinskog štaba.

II – NADLEŽNOSTI OPĆINSKOG ŠTABA I NAČIN OSTVARIVANJA FUNKCIJE**Član 2.**

Općinski štab je stručno - operativni organ koji je ovlašten za vršenje poslova koji su mu Zakonom o zaštiti i spašavanju od prirodnih i drugih nesreća (u daljem tekstu Zakon), stavljeni u nadležnost.

Općinski štab funkcionira stalno, onda kada općinski načelnik proglasi stanje prirodne ili druge nesreće na području općine, a u periodu kada ne postoje prirodne ili druge nesreće na području općine, Općinski štab svoje funkcije ostvaruje povremeno, prema potrebi i to onda kada razmatra stanje priprema, organizovanost, opremljenost i osposobljenost za zaštitu i spašavanje svih nosilaca zaštite i spašavanja na području općine i predlaže mjere za dogradnju sistema zaštite i spašavanja i kada djeluje preventivno, u cilju sprečavanja nastajanja prirodne ili druge nesreće i učestvuje u vježbama i drugim vidovima obučavanja i osposobljavanja.

Općinski štab odlučuje o pružanju pomoći drugoj općini, u skladu sa članom 184., stav 1. tačka 7. Zakona, a u vezi sa tačkom Va, stav 1. Odluke o izmjenama i dopunama Odluke o uslovima korištenja sredstava ostvarenih po osnovu posebnog poreza za zaštitu od prirodnih i drugih nesreća (« Službene novine F BiH », broj: 61/07).

U hitnim slučajevima, kada se štab ne može sastati, odluku o pomoći iz stava 3. ovog člana donosi komandant općinskog štaba, na prijedlog načelnika štaba.

III – ORGANIZACIJA I SASTAV OPĆINSKOG ŠTABA**Član 3.**

Općinski štab čine komandant, načelnik i 11 članova.

Član 4.

Komandant Općinskog štaba CZ-e je po funkciji Općinski načelnik ili njegov zamjenik.

Član 5.

Pomoćnik Općinskog načelnika Službe za civilnu zaštitu je po položaju načelnik Općinskog štaba.

Član 6.

Sekretar Općinske organizacije crvenog križa je po funkciji član Općinskog štaba.

Član 7.

Dva lica iz Službe za civilnu zaštitu i to: Komandir vatrogasne jedinice i Službenik zadužen za mjere zaštite i spasavanja su po automatizmu članovi Općinskog štaba civilne zaštite.

Članovi Općinskog štaba iz općinskih službi su pomoćnici Općinskog načelnika:

- Službe za urbanizam i zaštitu okoliša,
- Službe za razvoj i poduzetništvo i
- Službe za finansije i računovodstvo.

Član 8.

Članovi Općinskog štaba ispred Javnih ustanova i preduzeća su:

- predstavnik JU «Komunalno - stambeni fond» Cazin,
- predstavnik JKP "Čistoća" Cazin,
- predstavnik JP "Veterinarska stanica" Cazin,
- predstavnik ZU "Dom zdravlja" Cazin,
- predstavnik JKP "Vodovod" Cazin.

Za predstavnike Javnih ustanova i Javnih preduzeća, za članove Općinskog štaba civilne zaštite, mogu se imenovati direktori Javnih ustanova i preduzeća ili njihovi zamjenici.

Član 9.

Komandanta, načelnika i članove općinskog štaba postavlja i razrješava Općinski načelnik, na prijedlog pomoćnika Službe za civilnu zaštitu.

Općinski štab poslove iz svoje nadležnost vrši samostalno i za svoj rad je odgovoran Općinskom načelniku.

Član 10.

U izvršavanju složenih zadataka zaštite i spašavanja Općinski štab može angažovati i druge državne službenike i namještenike iz Jedinog općinskog organa uprave, uposlenike Javnih ustanova i preduzeća i eksperte iz drugih ustanova.

O angažovanju lica iz stava 1. ovog člana, odlučuje komandant Općinskog štaba, na prijedlog načelnika ili nekog od članova Općinskog štaba.

Član 11.

Sjednice Općinskog štaba saziva i njima predsjedava komandant štaba.

U slučaju da je komandant spriječen da vrši svoju funkciju, sjednice Općinskog štaba saziva i predsjedava načelnik Općinskog štaba.

Općinski štab će donijeti Poslovnik o svom radu.

Član 12.

Općinski štab ima pečat koji se izdaje u skladu sa Zakonom o pečatu F BiH («Službene novine F BiH», broj: 2/94 i 21/96).

Općinski štab ima svoj interni djelovodnik u kojem se zavode svi dokumenti i akti koji se odnose na Općinski štab.

Organizacioni broj koristiti od Službe za civilnu zaštitu i istom se dodaje razlomačka linija i veliko slovo Š (07/Š), klasifikacioni broj 44, a redni broj iz internog djelovodnika.

Pečat i interni djelovodnik Općinskog štaba duži i čuva u metalnoj kasi pomoćnik Općinskog načelnika Službe za civilnu zaštitu u svojoj kancelariji.

Član 13.

Sjedište Općinskog štaba je u zgradi Jedinog općinskog organa uprave, u kancelarijama koje koristi Služba za civilnu zaštitu.

IV – STRUČNA SLUŽBA OPĆINSKOG ŠTABA**Član 14.**

Funkciju stručne službe Općinskog štaba vrši Služba za civilnu zaštitu.

U vršenju poslova u funkciji stručne službe, Služba za civilnu zaštitu obavlja stručne, administrativne, tehničke i druge poslove neophodne za rad Općinskog štaba što se bliže utvrđuje Pravilnikom o unutrašnjoj organizaciji jedinstvenog općinskog organa uprave.

V – OPREMANJE I FINANSIRANJE OPĆINSKOG ŠTABA**Član 15.**

Općinski štab se oprema odgovarajućom opremom i materijalno-tehničkim sredstvima koja su neophodna za ličnu zaštitu članova Štaba i za vršenje zadataka iz njegove nadležnosti.

Član 16.

Sredstva za finansiranje Općinskog štaba obezbjeđuju se u budžetu općine, kao i iz sredstava iz člana 180. Zakona i donacija.

Sredstva potrebna za rad Općinskog štaba, kao i Finansijski plan utvrđuje Štab.

Naredbodavac za finansijska sredstva je komandant Općinskog štaba, a u slučaju njegove spriječenosti, načelnik Štaba.

VI – PRELAZNE I ZAVRŠNE ODREDBE**Član 17.**

Imenovanje komandanta, načelnika i članova Općinskog štaba izvršit će se najkasnije u roku od 15 dana od dana stupanja na snagu ove Uredbe.

Član 18.

Danom stupanja na snagu ove Uredbe, prestaje da važi Uredba o osnivanju Općinskog štaba CZ, broj: 01/N – 44 – 7067/03, od 19.11.2003. godine i Uredba o izmjenama i dopunama Uredbe o osnivanju Općinskog štaba CZ broj: 01/N – 44 – 8044/06, od 11.10.2006.godine.

Član 19.

Ova Uredba stupa na snagu narednog dana od dana objavljivanja u Službenim novinama općine cazin.

Broj: 01/N-44- 1095/10
Cazin, 09. 02. 2010 godine

OPĆINSKI NAČELNIK
Nermin Ogrišević dipl, ecc

2115. Na osnovu člana 7. Zakona o javnim nabavkama Bosne i Hercegovine („Službeni glasnik BiH“, broj: 49/04, 19/05, 52/05, 08/06, 24/06 i 70/06), a u vezi sa članom 5. i 6. Uputstva o primjeni Zakona o javnim nabavkama („Službeni glasnik BiH“, broj: 3/05), Poglavlja IV.1. Pravilnika o internim procedurama u postupku javnih nabavki roba, usluga i radova broj: 01/N-05-14217/08 i člana 62. Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05), Općinski načelnik d o n o s i:

R J E Š E N J E

I

Imenuje se Komisija za provođenje javne nabavke usluga, roba i radova (U daljem tekstu Komisija) u 2010. godini ugovornog organa općinske uprave Cazin, u sastavu kako slijedi:

1. Rifet Hairlahović – predsjednik komisije,
2. Admir Pjanić – član,
3. Mehmed Glumac – član.

Za sekretara Komisije imenuje se Amir Muminović.

Sekretar je ovlašten da vrši administrativne poslove za Komisiju, vodi zapisnik sa sastanka Komisije, sačinjava izvještaj o radu Komisije, vodi dokumentaciju i vrši druge poslove koje zahtjeva predsjedavajući komisije.

II

Komisija iz tačke I. Rješenja vršit će poslove koji se odnose na prijem ponuda pristiglih po Obavještenjima o javnoj nabavci i Obavještenjima o dodjeli ugovora u postupcima dodjele ugovora u kategoriji domaćih vrijednosnih razreda i pozivima za dostavu konkurentskih zahtjeva u postupku za dodjelu ugovora ispod domaćih vrijednosnih razreda, razmatranje i odabir najpovoljnijih ponuda u skladu sa Zakonom o javnim nabavkama i kriterijima iz gore navedenih obavještenja odnosno poziva i konačno predlaganje ugovornom organu ponude koja je ocijenjena kao najpovoljnija.

Komisija je ovlaštena za obavljanje i drugih poslova koji se javljaju kao redovni ili sporedni poslovi prilikom vršenja poslova iz prethodnog stava.

Komisija će obavljati gore navedene poslove u okviru ovlaštenja datih ovim Rješenjem i to po prethodno dobivenom pisanom aktu od strane ugovornog organa u kojem će biti određeni zadaci i poslovi za svaki konkretan postupak javne nabavke.

Članovi Komisije prije početka rada potpisat će izjave o nepristranosti u odnosu na ponuđače i izjavu o povjerljivosti.

III

Komisija sve poslove vrši u skladu sa Zakonom o javnim nabavkama BiH, Uputstvom o primjeni Zakona o javnim nabavkama i drugim podzakonskim aktima donesenim na osnovu Zakona o javnim nabavkama BiH.

IV

Rješenje stupa na snagu danom donošenja i ima se objaviti u Službenim novinama općine Cazin.

Broj:01/N - 05 - 233/10

Cazin, 15. 01. 2010. godine

OPĆINSKI NAČELNIK

Nermin Ogrišević dipl, ecc

2116. Na osnovu člana 7. Stav 6. Zakona o ministarskim, vladinim i drugim imenovanjima («Službene novine F BiH», broj: 12/03 i 34/03), člana 15. Zakona o principima lokalne samouprave u F BiH («Službene novine F BiH», broj: 49/06), akta Komisije za izbor i imenovanje u organima tijela u kojima općina Cazin ima pravni interes i zakonito pravo da vrši imenovanja u svojstvu odgovornog javnog službenika, broj: 01/N-5-13869/09, u svojstvu odgovornog javnog službenika, a u postupku odobravanja pisanih kriterija za imenovanje Općinski načelnik donosi:

R J E Š E N J E

I

Utvrđuju se posebni standardi i kriteriji za imenovanje predsjednika i članova Upravnog odbora JU «Centar za socijalni rad» Cazin koji obuhvataju sljedeće uslove a odnose se na stepen obrazovanja, znanja i iskustva:

- visoka i viša stručna sprema (VSS, VŠS), tehničkog ili društvenog usmjerenja (**članovi iz reda predstavnika osnivača**);
- visoka, viša ili srednja stručna sprema (VSS, VŠS, SSS), tehničkog ili društvenog usmjerenja (**članovi iz reda radnika Ustanove**);
- prilagodljivost timskom radu, komunikativne i kreativne sposobnosti za savjesno, odgovorno i odlučno obavljanje pozicije za koju se

- kandiduje;
- sposobnost nepristranog donošenja odluka;
 - sposobnost tumačenja i primjene ekonomskih, pravnih i drugih propisa iz djelatnosti ustanove ili fonda u kojem se kandiduje.

II

Rješenje stupa na snagu danom donošenja.

Broj: 01/N-05- 213/10
Cazin, 13.01.2010 godine,-

OPĆINSKI NAČELNIK
Nermin OGREŠEVIĆ dipl, ecc

2117. Na osnovu člana 7. Stav 6. Zakona o ministarskim, vladinim i drugim imenovanjima («Službene novine F BiH», broj: 12/03 i 34/03), člana 15. Zakona o principima lokalne samouprave u F BiH («Službene novine F BiH», broj: 49/06), akta Komisije za izbor i imenovanje u organima tijela u kojima općina Cazin ima pravni interes i zakonito pravo da vrši imenovanja u svojstvu odgovornog javnog službenika, broj: 01/N-5-13869/09, u svojstvu odgovornog javnog službenika, a u postupku odobravanja pisanih kriterija za imenovanje Općinski načelnik d o n o s i:

R J E Š E N J E

I

Utvrđuju se posebni standardi i kriteriji za imenovanje predsjednika i članova Upravnog odbora JU «Dom kulture» Cazin koji obuhvataju sljedeće uslove a odnose se na stepen obrazovanja, znanja i iskustva:

- Visoka i viša stručna sprema (VSS, VŠS), tehničkog ili društvenog usmjerenja (**članovi iz reda predstavnika osnivača**);
- visoka, viša ili srednja stručna sprema (VSS, VŠS, SSS), tehničkog ili društvenog usmjerenja (**članovi iz reda radnika Ustanove**);
- prilagodljivost timskom radu, komunikativne i kreativne sposobnosti za savjesno, odgovorno i odlučno obavljanje pozicije za koju se kandiduje;

- sposobnost nepristranog donošenja odluka;
- sposobnost tumačenja i primjene ekonomskih, pravnih i drugih propisa iz djelatnosti ustanove ili fonda u kojem se kandiduje.

II

Rješenje stupa na snagu danom donošenja.

Broj: 01/N-05- 211/10
Cazin, 13.01.2010 godine,-

OPĆINSKI NAČELNIK
Nermin OGREŠEVIĆ dipl, ecc

2118. Na osnovu člana 7. Stav 6. Zakona o ministarskim, vladinim i drugim imenovanjima («Službene novine F BiH», broj: 12/03 i 34/03), člana 15. Zakona o principima lokalne samouprave u F BiH («Službene novine F BiH», broj: 49/06), akta Komisije za izbor i imenovanje u organima tijela u kojima općina Cazin ima pravni interes i zakonito pravo da vrši imenovanja u svojstvu odgovornog javnog službenika, broj: 01/N-5-13869/09, u svojstvu odgovornog javnog službenika, a u postupku odobravanja pisanih kriterija za imenovanje Općinski načelnik d o n o s i:

R J E Š E N J E

I

Utvrđuju se posebni standardi i kriteriji za imenovanje predsjednika i članova Upravnog odbora JU «Sportski centar» Cazin koji obuhvataju sljedeće uslove a odnose se na stepen obrazovanja, znanja i iskustva:

- visoka i viša stručna sprema (VSS, VŠS), tehničkog ili društvenog usmjerenja (**članovi iz reda predstavnika osnivača**);
- visoka, viša ili srednja stručna sprema (VSS, VŠS, SSS), tehničkog ili društvenog usmjerenja (**članovi iz reda radnika Ustanove**);
- prilagodljivost timskom radu, komunikativne i kreativne sposobnosti za savjesno, odgovorno i odlučno obavljanje pozicije za koju se kandiduje;
- sposobnost nepristranog donošenja

odluka;

- sposobnost tumačenja i primjene ekonomskih, pravnih i drugih propisa iz djelatnosti ustanove ili fonda u kojem se kandiduje.

II

Rješenje stupa na snagu danom donošenja.

Broj: 01/N-05- 212/10
Cazin, 13.01.2010 godine,-

OPĆINSKI NAČELNIK
Nermin Ogršević dipl, ecc

2119. Na osnovu Izvještaja o izvršenom popisu stalnih sredstava, sitnog inventara i materijala na dan 31.12.2009.god. broj 01/N-14-6074/09 od 29.01.2010.god. i dijela izvještaja koji se odnosi na popisnu listu osnovnih sredstava koja nisu vođena u popisnim listama za 2008.god., člana 9. Odluke o organizaciji i djelokrugu rada općinskog organa uprave Općine Cazin broj: 01/V-05-4270/05 od 14.06.2005. godine i člana 15. Zakona o principima lokalne samouprave u F BiH (Sl. novine F BiH broj 49/06), Općinski načelnik d o n o s i:

R J E Š E N J E

I

Imenuje se Komisija za utvrđivanje činjeničnog stanja i predaju Policijskoj stanici Cazin pištolja koji se nalazi u vlasništvu Jedinственог općinskog organa uprave Općine Cazin u sastavu kako slijedi:

1. Mujić Said, predsjednik komisije
2. Muhić Hamdija, član
3. Mirsad Semanić, član

II

Zadatak Komisije je da utvrdi činjenično stanje postojanja pištolja kako njegovo porijeklo, tako i generalije istog, moguća zaduženja po istom u okviru organa, mjesto ostave, ovlaštenost za čuvanje istog, podatke o popisu istog itd., kao i da sačini zapisnik o primopredaji navedenog oružja Policijskoj stanici Cazin.

Utvrđeno i sačinjeni zapisnik iz prethodnog stava Komisija je dužna dostaviti općinskom načelniku odmah po izvršenoj primopredaji.

III

Rok za izvršenje zadatka je sedam dana od dana prijema Rješenja.

IV

Rješenje stupa na snagu danom donošenja i ima se objaviti u Službenim novinama Općine Cazin.

Broj: 01/N-05- 444/10
Cazin, 08.02.2010.god.

OPĆINSKI NAČELNIK
Nermin Ogršević dipl, ecc

2020. Rješavajući po zahtjevu Predsjednika Upravnog odbora JOB-a „Unija veterana,, iz Cazina broj 04-01-02/10 od 01.02.2010.god., na osnovu člana 139. Statuta općine Cazin («Sl. novine općine Cazin» 2/02 i 6/05) a sve u vezi s članom 10. stav 1. tačka 4. Zakona o udruženjima i fondacijama («Sl. novine F BiH», broj: 45/02), Općinski načelnik d o n o s i:

R J E Š E N J E

I

Udruženju Jedinственог organizacije boraca „Unija veterana,, iz Cazina daje se saglasnost za korištenje imena općine Cazin u nazivu udruženja.

II

O izvršenju ovog rješenja starat će se predsjednik udruženja.

III

Rješenje stupa na snagu danom donošenja i ima se objaviti u Službenim novinama općine Cazin.

Broj: 01/N-05-1185/10
Cazin, 02.02.2010.godine

OPĆINSKI NAČELNIK
Nermin Ogršević dipl, ecc

2021. Na osnovu člana 6. i 12. Zakona o ministarskim, vladinim i drugim imenovanjima («Sl. novine F BiH», broj: 12/03), člana 29. Uredbe sa zakonskom snagom o ustanovama (Sl. list R BiH broj 6/92), akta JU „Komunalno-stambeni fond,, Cazin broj 03-124-1/10 od 10.02.2010.god. a u cilju osiguranja da se izvrši konačno imenovanje kandidata koji je prvi na rang listi broj 01/N-34-13064/09 od 26.01.2010.god. sačinjenoj od strane Komisije za izbor i imenovanja u organima tijela u kojima općina Cazin ima pravni interes ili zakonito pravo da vrši imenovanja, u predmetu davanja saglasnosti na imenovanja u organe tijela čije prava i obaveze osnivača vrši općinsko vijeće i općinski načelnik, u skladu sa važećim aktima i zakonskim propisima iz ove oblasti, Općinski načelnik d o n o s i:

R J E Š E N J E

I

Daje se saglasnost na Odluku Upravnog odboru JU „Komunalno-stambeni fond,, Cazin broj spisa OPU-IP-32/2010 od 04.02.2010.god. o konačnom imenovanju IBRAHIMA TATAREVIĆ, dipl. ecc, na poziciju direktora JU «Komunalno-stambeni fond» Cazin.

II

Mandat direktora traje četiri (4) godine od dana imenovanja.

III

Rješenje stupa na snagu danom donošenja i ima se objaviti u Službenim novinama općine Cazin i Službenim novinama F BiH.

Broj: 01/N-05- 497/10
Cazin, 12.02.2010. godine

OPĆINSKI NAČELNIK
Nermin Ogršević dipl, ecc

2022. Na osnovu člana 43. Zakona o zaštiti i dobrobiti životinja ("Službeni glasnik BiH, br. 25/09 od 31.03.2009. godine) i člana 9. Odluke o organizaciji i djelokrugu rada općinskog organa uprave Općine Cazin broj: 01/V-05-4270/05 od 14.06.2005. god. (Sl. novine Općine Cazin broj 2/05), Općinski načelnik d o n o s i:

R J E Š E N J E

I

Imenuje se Radna grupa koja će predložiti prelazne mjere za zbrinjavanje pasa lualica na području općine Cazin, u sastavu kako slijedi:

1. Ćoralić Sulejman, predsjednik komisije,
2. Žunić Šemsudin, član,
3. Toromanović Nerka, član,
4. Ćoralić Mirela, član,
5. Civić Hidajeta, član.

II

Zadatak Radne grupe je da u skladu sa Zakonom o zaštiti i dobrobiti životinja ("Službeni glasnik BiH, br. 25/09 od 31.03.2009. godine), predloži prelazne mjere (član 43. tačka 4. navedenog Zakona) sa prijedlogom finansijskih sredstava do stvaranja uslova za formiranje skloništa. Sukladno članu 28. Zakona, Radna grupa je obavezna predložiti prijedlog lokacije za sklonište životinja, broj zaposlenika na zbrinjavanju životinja, kao i Financijski plan za realizaciju istog.

III

Rješenje stupa na snagu danom donošenja i ima se objaviti u «Službenim novinama Općine Cazin».

Broj: 01/N- 05-1462/10
Cazin, 16.02.2010 godine,-

OPĆINSKI NAČELNIK
Nermin Ogršević dipl, ecc

SADRŽAJ**OPĆINSKI NAČELNIK**

2114. UREDBA o osnivanju Općinskog štaba CZ	2
2115. RJEŠENJE o imenovanju Komisije za provođenje javne nabavke usluga, roba i radova, u 2010. godini ugovornog organa općinske uprave Cazin.....	4
2116. RJEŠENJE o utvrđivanju posebnih kriterija za imenovanje predsjednika i članova Upravnog odbora JU "Centar za socijalni rad" Cazin.....	4
2117. RJEŠENJE o utvrđivanju posebnih kriterija za imenovanje predsjednika i članova Upravnog odbora JU "Dom kulture" Cazin.....	5
2118. RJEŠENJE o utvrđivanju posebnih kriterija za imenovanje predsjednika i članova Upravnog odbora JU "Sportski centar" Cazin.....	5
2119. RJEŠENJE o imenovanju Komisije za utvrđivanje činjeničnog stanja postojanja pištolja u Jedinственном općinskom organu uprave Općine Cazin.....	6
2020. RJEŠENJE o davanju saglasnosti za korištenje imena Općine Cazin.....	6
2021. RJEŠENJE o imenovanju direktora JU «Komunalno – stambeni fond» općine Cazin.....	7
2022. RJEŠENJE o imenovanju Radne grupe.....	7

IZDAVAČ: SLUŽBA ZA STRUČNE I ZAJEDNIČKE POSLOVE OPĆINE CAZIN